



Hymn.

2.


A



e-térne re-rum Cón-di-tor, \* Noctem, di-émque



qui re-gis, Et témpo-rum das témpo-ra Ut álleves fas-ti-



di-um.

Præco diéi iam sonat,  
noctis profúndæ pérvigil,  
noctúrna lux viántibus  
a nocte noctem ségregans.

Hoc excitátus lúCIFer  
solvit polum calígine;  
hoc omnis errónum chorus  
vias nocéndi désérit.

Hoc nauta vires cólligit  
pontíque mitéscunt freta;  
hoc, ipse Petra Ecclésiæ,  
canénte, culpam díluit.

Iesu, labántes réspice  
et nos vidéndo córrige;  
si réspicis, lapsus cadunt  
fletúque culpa sólvitur.

Tu, lux, refúlge sénsibus  
mentísque somnum díscute;  
te nostra vox primum sonet  
et vota solvámus tibi.

Sit, Christe, rex piíssime,  
tibi Patríque glória  
cum Spírítu Paráclito,  
in sempitérna sæcula. Amen.